

AGENDRE FEMASO YESU

(Kebaktian Subuh) 05 April 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
- SA** : Ya'ami banua Zo'aya, No oi owulo ita oi faondra ba wa'owuawua dödö, me no maoso Zo'aya ya'ita Yesu Keriso moroi ba ngai zi mate. Andrö, ba dôi Yesu ma'owai Ami : Ya'ahowu, no maoso Keriso.
- SATO** : Ya'ahowu !
- SA** : Keriso So'aya, no maoso Keriso
- SATO** : Duhu, no maoso Keriso.
- SA** : Ya faofao khömi Lowalangi...
- SATO** : Ya fao Khöu Geheha-Nia
- Fogaoni** :
- SA** : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 107**

107. NO AURI YESU BA NO MÖNA 1

do = f 3/4

MM = 96 - 104

- No auri Yesu ba no möna, fa ' abu dödö no awai.
Tasuno Ia samatörö, ba sangorifi fefu soi.
Mo' arota wangöhöli, ba zi sandrohu fekoli.
- No maoso Yesu ba no möna, lagö lewatö tebokai.
Te' ala wa' abölö horö, Ifa' aso wamohouni.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba dôi Lowalangi Ama, ba ba dôi nono-Nia Yesu Keriso, ba ba dôi Geheha Ni'amoni'ö. Fangorifida ha ba dôi Yehowa si no momböi banua si yawa awö danö.....
- SATO** : YADUHU
- SA** : Ba na lö mususugi Keriso, ba si lö boto wamatimi andrö, ba lö si tebulö ami ba horömi; Ba iada'e, ba no mususugi Keriso, moroi ba ngai zi mate.
HALELUYA.....
- SA** : **Manunö** : BZ. : 452

HALELUYA....HALEYA.... HALELU...YA.....
- SA** : Mangandrö ita :
He Yesu Keriso So'aya ya'aga, Sangorifi ösi gulidanö andre. Ma'andrö saohagölö khö-U me no Ölawä wa'abölö horö ba fa'amate ba wemaoso-Mö andrö. Iada'e lö sa'ae ata'u ndra'aga ba lumö wa'abölö wa'amate andrö, me no maoso Ndra'ugö ba wangorifi ya'aga. No alömö wa'amate andrö ba wemöna, No Ö'efa'ö ndra'aga ba wa'abölö zogömigömi ba no Ö'ohe ndra'aga ba haga. No Ö'efa'ö ndra'aga moroi ba wesu horö, irege tobali ndra'aga ono khö Lowalangi Ama. He Yesu Keriso no Öfaogö ndra'aga ba

wa'amate-Mö ba tesusugi göi ndra'aga ba we maoso-Mö andrö, ma'andrö khö-U böi bulö'ö khöma howuhowu-Mö, me Ya'ugö zamatörö banua si yawa awö danö i'otarai da'e irugi ba zi lö aetu. Yaduhu. (Mudadao zato)

3. MANUNÖ moroi ba Mbuku Zinunö Numero 108

108. BÖI YA TA' OLIFUGÖ ITA ¹

do = d 3/4

MM 88 - 96

1. Böi ya ta' olifugö ita, zi no Itaögö So' aya.
Awö fefu wamakao-Nia, irugi ya'wa ba röfa.
No börö ita wa Ilu' i, wa' afökhö, fango' aya.
Afu tobali ono ita, sanema ondröita Nama
2. He Yesu, ha mabe' e sulö, mbuala fa' omasi-Mö.
He oi malulu zi so khöma, tebai sa tobali sulö.
Ya' e mboto fao gera' era, ba tödöma si ta' unö.
Ya Öbohouni ia do-Mö, fa tobali sumange-Mö.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura Yesaya 52:13-15

13. Hiza, mofozu wolau genonigu andrö: sanöi dania ia, salawa ia, yawa sibai!
14. Si mane fa'atobali dödü zato mege khöu — wa'atobali mege nga'eu, tenga famaedo niha sa'ae wamaigida, ba tenga sa'ae nga'eu nono niha nga'eunia andrö
15. si manö dania, wa ato zi tokea soi niha ibe'e; börö ia dania, wa so razo si lö hedehede, me la'ila zi lö murai mutunö khöra ba me larongo zi lö murai murongo ba khöra.

Simanö daroma Li Lowalangi, da tatema'ö faoma sinunö: BZ.Numero 114: 1

114. NO MAOSO YESU SO'AYA ¹

do = f 4/4

MM = 96 - 104

1. No maoso Yesu So'aya, lewatö no Iröi.
Umbu wa'auri sa Ia, ba sangorifi göi ba sangorifi göi

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödüda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He So'aya ya'aga Yesu Keriso si mate ba röfa ba hili Gologata, ba si no maoso bangai zi mate. Faduhu dödüma ba daroma Li-Mö me Öwa'ö: “ Ya'odo wemaoso ba fa'auri, samati khö-Gu, ba auri, hewa'ae mate ia.” Ba hiza, ba lala wa'aurima seroma'ökhö asese ma'ositengagö ba ma'osilö'ögö Ndra'ugö So'aya, me ma'o'önifakhoi dödüma samösa. Bologö dödü-U khöma, ba be'e aefa khöma horöma andrö. Hakhösi dödü-U khöma So'aya, böi tehe tekiko, törötörö tödü-U wa'ebua dödü-U Awö wa'ahakhö dödü-U khöma. Böi bulö'ö ndra'aga moroi ba wa'omasi ba ba Wangorifi andrö si

¹ Note : Nikolaus Herman 1554

- no Öhönagö ba zamati khö-U.....
- SATO** : Mangandrö ba dödö zamösana föna Lowalangi.....1 irugi 2 meniti.
- SA** : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.
- SATO** : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.
- SA** : **Turia Wangefa horö** : “ Imane taroma Li Lowalangi : Ba no erege dödö-Gu öbe'e ba horöu andrö; no öfakao-Do olalöwamö. Ya'ö, Ya'odo andre zamunu lalöu andrö, börö ndra'ö, ba lö'ö sa'ae itörö tödö-Gu horöu. LAKHÖMI KHÖ LOWALANGI SI YAWA.....
- SATO** : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

7. FOMBASO TAROMA LI LOWALANGI NIBASO FÖNA HUHUUO (AB)

- SA** : Fombaso taroma li Lowalangi föna huhuo tehalö moroi ba zura **Yohane 20:1-10**
1. Sara wongi aefa zabato, ba möi ba lewatö Maria andrö, banua Magadala, ihulö wongi, me ogömigömi na, ba i'ila, no laheta gowe andrö ba lewatö.
 2. Ba fagohi ia khö Zimoni Fetero ba khö nifahaö si samösa andrö, ni'omasi'ö Yesu, ba imane khöra: No lahalö Duada, ba lewatö, ba lö ta'ila heza labe'e ia.
 3. Ba möi Wetero, awö nifahaö si samösa andrö, lasawa lewatö.
 4. Ba faoma fagohi ira, darua ira. Ba alio nifahaö si samösa andrö wagohisa, moroi khö Wetero, ya'ia zi föföna mondrugi lewatö,
 5. ba me ifaigi bakha, ba i'ila muko andrö, nitou'ö tou; ba lö'ö sa möi ia bakha.
 6. Ba so Zimoni Fetero, i'o'ö, möi ia tou ba lewato, ba i'ila muko andrö, nitou'ö tou.
 7. Ba lö mu'orudugö ba muko andrö zaembu, si so ba högö Yesu mege; no lagölugö, sambua nahania.
 8. Ba awena möi tou göi nifahaö si samösa andrö, si föföna mondrugi lewatö, ba i'ila, ba faduhu dödönia.
 9. Lö'ö na sa aboto ba dödöra zi so ba zura, wa lö tola lö maoso Yesu moroi ba ngai zi mate,
 10. Ba lafuli ira khöra nifahaö andrö.

Ya'ahowu zamondrongo taroma Li Lowalangi ba Same badödö...

- SA+SATO** : Yaduhu
8. **FASÖMBATA**
- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu. Ba si föföna ua da tafondrongo Li Lowalangi me imane:
- ❖ Ba da'ö niwa'ö-Gu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi dödö zamösana; böi abu dödö, ba tenga ni forege; si no aoha gölö fame'e, da'ö sa zomasi Lowalangi. (II Korindro 9:6-7)

Tafa'ema wasömbata khö Lowalangi, manunö ita moroi ba Mbuku Zinunö
Numero 109

109. SUNO ZO' AYA, SI MAOSO

Lala : Suno Yehowa (no. 5)

do = f 3/4

MM = 96 - 104

1. Suno Zo ' aya, si maoso moroi ba lewatö.
He tödögu, angalulu ba ohe zinunö.
Me no möna, lö sanaha Ya ' ia, ba no teala zatana.
2. Suno Zo' aya me duhu no möi salahida.
Tasuno Ia tödöda me fangefa' öda.
Yesu lala, ba fa' aduhu Ia, same' e fangorifida.
3. Amati khö Yesu sola'wa fefu ududa.
Fa' abölö Yesu zame' e möna ya' ita.
Sindruhu sa te' alani zatana, no möna Yesu So' aya.
4. Tabu khö Yesu, sogaoni niha möi khö Nama.
Dozi ita ya ta' o' ö Ia si no möna.
Da tafati no Ifabu' u khöda wa' auri so' ahonoa.

SA :

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....

Manunö ita moroi ba Mbuku Zinunö numero 261

261. YA'E ZUMANGE ²

do = d 4/4

MM = 62 - 68

Ira'alawe

1. Ya ' e zumange fa-sömbata, ma ' ohe sumange Yehowa.
Iramatua
Reff : Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
3. Ya'e zumange fasömbata buala si'otarai Nama.
Reff : Ma'andrö khö-U
4. Ya'e zumange fasömbata, boto, noso, ba fa'aurima
Reff : Ma'andrö khö-U
5. Ya'e zumange fasömbata, lö irugi zomasi dödö-U.
Reff : Ma'andrö khö-U
6. Ya'e zumange fasömbata, ma'aoghasi gölö Zo'aya.
Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni' owuloi andrö)* **Mudadao Zato**

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:

Koor ba Vokal Group

a. Koor Jemaat

b.

c.

10. MANUNÖ

SA : Da tafa'anö dödöda wamondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma'ökhö ba si'ogötö'ö lö sa mamalö. Taroma li-Mö si möi fangabölö utema'ö soroi ba dödö, tolo ba wolo 'ö.

11. HUHUAO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi *Halōwō Zinenge / Kisah Para Rasul 2:22-32 (Tuho:Yesu Andrō Nisusugi Lowalangi / Yesus Inilah yang Dibangkitkan oleh Allah)*
- b. Fanuriaigö
- c. Nitano ba dödö. *Halōwō Zinenge / Kisah Para Rasul 2:32 (Yesu andrō nisusugi Lowalangi, si so ba mbōrō ba da'ō ndra'aga fefu. / Yesus inilah yang dibangkitkan oleh Allah, dan tentang hal itu kami semua adalah saksi.)*
- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

do = es 4/4

MM = 96 - 104

1. No mafondrongo li-U, Lowalangi So ' aya. Tanö ba dödöma ia, fa böi olifuga. Fahowu 'ö ia khöma, ena ' ö ohahau dödöma fefu. Heta ba dödö zi lö sökhi, ma'o ' ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. **ANGOMBAKHATA BA MBANUA NIHA KERISO**

SA : Da tafondrongrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 470 ayati 1-2**

470. YESU SAURI

do = g 4/4

MM = 96 - 104

1. Yesu sauri, so Ia ba dödögu. Yesu sauri, so a ba dödögu.
Yesu sauri, so Ia ba dödögu,
Ya' ia zamatörö fa' aurigu.
2. Yesu sauri, zamaeri fa' aurigu. 3 x
Andrö lö te' alado, lö elungu.

15. **FANGANDRÖ SALAHI + FAMATENGE + HOWUHOWU**

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **470 ayati 3**

470. YESU SAURI

do = g 4/4

MM = 96 - 104

3. Yesu sauri, gubalogu sindruhu. 3 x
Lö sambö ndra' o, lö göi fa' ata' u.

SH : YA'AHOWU

SATO : YA'AHOWU